

ERISSET KE MKPA: IDORENYIN ANDITIENE-CHRIST

1 Nwèd Corinth 15:1-58.

OYQHỌ UKPEP NKPỌ 379

Eke Mkparawa

IKỌ IBUOT: “Enye iduhe mi; Enye emeset kpa nte ọkọdọhọde” (Matthew28:6)

Usọrọ Eriset Ke Mkpa Christ

Paul ama ewet ọnọ Mbon Corinth nditi mmọ mbaña ekọm- urua Eti-mbuk; man afiak edemere ekikere mmọ ke abaña Christ, oro edi, uwem Esie, mkpa Esie, ye eriset Esie. Edi se ifọnde nnyin ndikere mbaña se Christ anamde ọnọ nnyin ye se Enye ọwọrọde ọnọ nnyin. Nnyin ikpekpep ito mme uwut-nkpọ emi Christ ọkọnọde nnyin oto ke uwem Esie. Ediwak ini ke isua, nnyin iti ite ke Christ ama ayak uwem Esie ọnọ ke ibuot mme idiok-nkpọ ererimbot (Mme Hebrew 9:28; 1 Peter 2:24). Nnyin ikwọkwọ ibaña kros ye odudu emi odude ke Iyip Esie. Ke ini nnyin ibuanade ke Udia Ọboñ, nnyin iti ibaña ediduok Iyip Esie ye obukidem Esie emi anuahade. Ke ini Usọrọ Eriset Ke Mkpa Christ emi, yak nnyin iwọñore ofuri ekikere nnyin akpan-akpan iwuk ke eriset Esie. Nnyin inamke nkpọ inọ Christ emi miduhe uwem, edi Andinyaña emi ekesetde onyũ odude uwem man etebe nnyin ikpe (Nwèd Mbon Rome 4:25).

Mmọ Emi Minimke Ke Akpanikọ

Ke eyo Paul, ama odu mme owo emi minimke eriset mme akpa mkpa ke akpanikọ. Ke otu mmọ ama odu mbon nka mme Jew kiet emi ekekotde mme Sadducee (Luke 20:27). Paul ọkọkwọrọ abaña eriset koro enye okonimde emi ke akpanikọ. Nte ikọ-ntiense esie owutde ke ini enye adade ke iso Agrippa, Paul ọkọbọ ifiok ndinin ediset ke akpanikọ oto ke Heaven (Utom Mme Apostle 26:13, 22, 23). Paul ọkọkwọrọ eriset man mme ukpọn ekpebọ erinyaña. Edi akpan nkpọ ete nnyin ikpenim eriset Christ ke akpanikọ man inyene erinyaña. “Ikọ emekpere fi, ke inua fo, ye ke esit fo; oro edi, ikọ mboutidem eke nnyin ikwọrode. Koro edieke afo adade inua fo onyime ete Jesus edi Ọbọñ, onyũ onimde ke akpanikọ ke esit fo ete Abasi akanam Enye eset ke mkpa, eyebọhọ (Nwèd Mbon Rome 10:8,9).

Mme Andinim Ke Akpanikọ Eke Akani Ediomì

Ama odu iren-owo ke akani ediomì emi ekenimde eriset mme akpa mkpa ke akpanikọ. Mmọ ekenim ke akpanikọ koro Abasi akayaradeọnọ mmọ. David ama etiñ abaña ndidemere ke mbiet Ọbọñ (Psalm 17:15). Job ọkọdọhọ ete, “Ami mmọfiok nte ke Andifak mi odu uwem; ndien ke akpatre enye eyedaha ada ke ntan isọñ: Ndien ke ikpọhidem mi ama abiara ama, nyedu ke obukidem mi nktut Abasi: Emi ndikutde ke idem mi,enyin mi eyenyũ okut enye” (Job 19:25-27).

Paul ama etiñ abaña mme nwèd emi mme anditiñ ntiñ-nnim ikọ ekewetde ke ini enye ọkọdọhọde ete ke Christ ama eset ke ọyọhọ usen ita kpa nte ewetde ke Ikọ Abasi. Ediwak mme anditiñ ntiñ-nnimikọ ke Akani Ediomì ema enim eriset ke akpanikọ, koro mmọ ekewetde ebaña enye. Mme ntiñ-nnim ikọ mmọ etie ntiense ebaña eriset.

Eriyarare Idem Christ

Ke esiode mbuotidem ke esit mmọ emi ekefakde efep, nnyin mfin emi imenyene nko mme mbuk akpanikọ ke Jesus ama eset ọwọrọ ke otu mme akpa-mkpa. Angel ama etiñonọ mme iban emi ekekade ekekut ukpọk udi ete ke Jesus ama eset (Mark 16:6). Jesus ama owut Mary Magdalene idem (Mark 16:9), ye mbet Esie iba ke usuñ Emmaus (Luke 24:13-15), ọkọrọ ye Simon Peter (Luke 24: 34). Mme mbet duopekiet ema ekut Enye enyũ etiñ ikọ ye Enye (Mark 16:14). Ediwak owo ema ekut Enye nte Enye ọdọkde oduk ke Heaven (Utom Mme Apostle 1:9). Kpukpru emi edi ntiense ete ke Christ ama eset.

Paul ekeneñere etiñ enyin ese nte ikọ eriset Christ emi okpotim ọsọñode ada koro edi enye edi itiat-ukot-ufok mbuotidem mme anditiene-Christ. Enye edi isọñ ikọ mbuotidem ye idorenyin nnyin.

Akpa Mbuñwum

Ke ukpep-nkpọ nnyin emi abañade mme nworọ-nda usen usọrọ Nditọ Israel. Nnyin ima ikpep ite ke usen eke etienede Passover Sabbath ke edem, ema esinọ Abasi uwa eke akpa mbuñwum, man anam-idiok asana onyũ odot. Ke ntọñọ idok oro mbemiso Nditọ Israel ekam edia mfri ekededì, enyene ndiwa akpa mbuñwum nnọ Abasi. Uwa emi ekesida itie ke ọyọhọ usen ita ke ema ekewot eyen erọñ uwa Passover. Ke 1Nwèd Corinth 15:20 nnyin ikot iteke Christ “ama eset ke mkpa, nte akpa mbuñwum ke otu mmọ emi edede idap **Jesus** ekedi akpa owo emi enamde eset ke otu mme akpa mkpa ke utọ usuñ oro. Eriset Esie eneñere ọsọñọ eriset nnyin, emi onyũ edi idorenyin anditiene-Christ.

Ke ini utom Jesus mi ke isoñ, Enye ama anam akpa-mkpa eset (Matthew 11:5). Jesus ama ada ke mben udi Lazarus emi ama akakpa ke usen inañ. Lazarus ama eset (John 11:43,44) ke ini Jesus odohede ete “*Lazurus wọrọ di* “. Nnyin imekot ibañ mmọ efen eke Jesus akafiakde ọnọ mmọ uwem, oro edi, eyen Jairus ańwan (Mathew 9:25), ye eyen ebekpa eren eke Nain (Luke 7:15); edi Christ ama eset, odohede ntak odu uwem, idinyuñ ikpaha aba (Nwede Mbon Rome 6:9,10). Ema ewot Enye ke kros “edi Enye ke odudu uwem ke emi ke odudu Abasi...edi iyeda odudu Abasi isaña ye Enye idu uwem inọ mbufo” (2 Nwede Corinth 13:4). Jesus odohede ete, “sia ami ndude uwem mbufo eyedu uwem nko”(John14:19).

Akpa Eriset

Mkpa edi ubiere ikpe emi ekebiere emi enimde enọ uduot owo oto ke idiok nkpo Adam ke Inwan Eden (Genesis 3:19). Sia Adam ama akanam idiok-nkpo, “enim enọ owo ndikpa ini kiet, ndinyuñ nda ke itie-ikpe ke oro ebete” (Mme Hebrew 9:27).

Sia mkpa okotode ke Adam, eriset mme akpa-mkpa okoto ke Christ (1Nwede Corinth 15: 21,22), emi ediohede nte udiana mme akpatre Adam.

Ata akpan nkpo ke uwem anditiene-Christ edi yak enye akam ebeñe idem ebet akpa eriset. Udohede esit Paul ekedi nte enye ekpenyenede edinen edo Abasi oto ke mbuotidem, man oto do, nte ededi enye ekpenyene ebuana ke akpa eriset (Nwede Mbon Phillipi 3:9,11). Nnyin ikpakam inyene ukem udohede oro ke esit nnyin oro edi ndinyene ebuana ke akpa eriset emi, ekom-urua okpokpon nte okpokpon! Paul ama enyene utibe idorenyin oro ke esit esie.

Eriset edi ke utọ usuñ emi: “Christ nte akpa mbuwum; ke oro ebete, mmọ emi edide eke Christ ke eridi Esie”, ke edide mmọ emi ekpade me edude uwem. “Koro Obohede ke idem Esie eyeto ke Heaven osuhore ye mkpo, uyo archangel, ye ukorowo Abasi; ndien mmọ emi ekpanade ke Christ eyebem iso eset: ndien eyemen nnyin emi idude uwem, emi isuhode, edok ye mmọ ke ikpa-enyoñ, man isobo ye Obohede ke enyoñ: ntem ke nnyin ididu ye Obohede ke nsinsi-nsinsi” (1Nwede Thessalonica 4:16,17), emi edi akpa eriset ke mkpa. “Ofofon ọnọ owo emi enyenede udeme ke akpa eriset: ... mmọ eyedi mme oku Abasi ye Christ, mmọ eyenyuñ eda ubohede ye Enye ke tosin isua”. Edi mme akpa mkpa eken eyetre ndidu uwem tutu tosin isua oro ebe (Eriyarare 20: 5, 6).

Eriset Mme Akpa-Mkpa

Kiet ke otu ikọ ntiense Paul ke iso Felix, andikara, ekedi, Nnam nkpo nno Abasi mme ete nnyin; edi mmonim kpukpru se ewetde ke ibet ye mme anditiñ ntiñ-nnim ikọ ke akpanikọ: mmonyuñ ndori enyin ke Abasi, kpa nte mmọ nde edoride, nte, nti owo ye me idiok owo eyeset ke mkpa” (Utom Mme Apostle 24: 14, 15). Jesus ekepep ete ke “kpukpru mme andidu ke udi edikopde enye uyo ewohede edi; mmọ emi ekenamde se ifonde eyewohede eduk ke eriset uwem, mmọ emi ekenamde se idiokde eyenyuñ ewohede eduk ke eriset ikpe” (John 5: 28, 29). Ntiñ-nnim ikọ Daniel etiñ ete ke usuk eyedemere eduk ke but ye nsinsi esuene (Daniel 12: 2). Emi edi ubiere-ikpe emi edisimde mmọ emi etrede ndibeñe idem ndisobo ye Abasi.

Ke Mbiet Esie

Jesus odohede ete, “Mmohede nka nkotim itie nnim nno mbufo. Ndien edieke nkade nkotim itie ntre nno mbufo, nyefiak ndida mbufo nno idem Mi; man mbufo enyuñ edu ke ebiet eke Ami ndude” (John 14: 2, 3). Ke eriyip enyin kiet, eyekpuhore ikot Abasi. Utu ke mmọ enyene ikpohidem ererimbot emi, emi okopde ubiak, udohede, unomọ ye mmemidem, mmọ eyebiet Enye (Luke 3: 2), keikpohidem Spirit eke otode enyoñ emi midikpaha aba (Luke 20: 36). Eda mbiara ikpohidem emi edomo ye ikpohidem eke eriset nte ekpri mbubek mkpasip eke etode, emi ke edikem ini enye otibede, osioño ikohede, mfri, ndien osim ini idok.

Anditiene-Christ enyene utibe idorenyin, oro edi ndidu ye Jesus nnyuñ mbiet Enye oto ke erikan emi Enye ohede. Edieke afo enyenede utọ idorenyin oro soho da, kunyek, wuk enyin se, bet, nyuñ nam utom tutu Obohede edi.

MME MBUME

1. Nnyin inam didieifioke iteke Christ eset owo ke otu mme akpa mkpa?
2. Nso idi eriset ke mkpa?
3. Owo ekeme didie ndibeñe idem mbet enye?
4. Nso idi ntak emi ndusuk owo edisetde eduk ke but ke ini ndusuk eken edisetde eduk ke nsinsi uwem?
5. Nso iditibe ke ini ukorowo Obohede edisorode uyo?